

1103.

Na osnovu člana 12 stav 5 Zakona o zdravstvenoj zaštiti bilja („Službeni list RCG”, broj 28/06 i „Službeni list CG”, br. 28/11 i 48/15), Ministarstvo poljoprivrede, šumarstva i vodoprivrede donijelo je

N A R E D B U**O MJERAMA ZA SPREČAVANJE UNOŠENJA ŠTETNIH ORGANIZAMA NA BILJE, BILJNE PROIZVODE I OBJEKTE POD NADZOROM KOJI SE PRENOSE DRVENIM MATERIJALOM ZA PAKOVANJE PORIJEKLOM IZ KINE, BJELORUSIJE I INDIJE***

1. Drveni materijal za pakovanje porijeklom iz Kine, Bjelorusije i Indije može se unositi u Crnu Goru, ako fitosanitarni inspektor na graničnim inspekcijskim mjestima, nakon izvršenog zdravstvenog pregleda, utvrdi da je drveni materijal označen u skladu sa Međunarodnim standardom za fitosanitarne mjere broj 15 (ISPM 15) i da ne sadrži štetne organizme.

2. Materijal iz tačke 1 ove naredbe je drvo ili proizvodi od drveta koji se koriste za potporu (pridržavanje), zaštitu ili prenošenje roba, u obliku sanduka, kutija, gajbi, bubnjeva i slične ambalaže, paleta, sandučastih paleta (box pallets) i ostalih podloga za utovar, okvira za palate, kao i potporno drvo koje podupire pošiljke drveta (dunnage), koji se koristi za pakovanje i prevoz određenih roba tarifnih oznaka datih u Prilogu 1 koji je sastavni dio ove naredbe, osim drveta proizvedenog lijepljenjem, toplotom, pritiskom ili njihovom kombinacijom i materijala za pakovanje u cjelosti sastavljenog od drveta debljine 6 mm i manje.

3. Materijal iz tačke 1 ove naredbe ostaje pod carinskim nadzorom i nadzorom fitosanitarnog inspektora do završetka zdravstvenog pregleda.

4. Ako subjekat odgovoran za pošiljku odvoji drveni materijal za pakovanje porijeklom iz Kine, Bjelorusije i Indije od određenih roba iz Priloga 1, na te robe ne primjenjuju se mjere nadzora iz tačke 3 ove naredbe.

5. Danom stupanja na snagu ove naredbe prestaje da važi Naredba o mjerama za sprečavanje unošenja štetnih organizama na bilje, biljne proizvode i objekte pod nadzorom koji se prenose drvenim materijalom za pakovanje porijeklom iz Kine, Bjelorusije i Indije* („Službeni list CG”, broj 130/21).

6. Ova naredba stupa na snagu osmog dana od dana objavljivanja u „Službenom listu Crne Gore”.

*U ovu naredbu prenijeta je Implementirajuća Regulativa Evropske Komisije (EU) 2024/288 od 18. januara 2024. godine o učestalosti provjera drvenog materijala za pakovanje koji se upotrebljava za prevoz, zaštitu ili podupiranje određenih proizvoda iz određenih trećih zemalja (Commission implementing regulation (eu) 2024/288 of 18 January 2024 concerning the frequency of checks on wood packaging material carrying, protecting or supporting certain commodities from certain third countries).

Broj: 04-309/25-15514/3

Podgorica, 28. jula 2025. godine

Ministar,
Vladimir Joković, s.r.

PRILOG 1

Određene robe, odgovarajuće tarifne oznake i zemlje porijekla

Opis robe	Oznake kombinovane nomenklature (KN) ili oznake TARIC	Zemlja porijekla
Škriljac, uključujući grubo tesan ili siječen testerom ili na drugi način u blokove ili ploče kvadratnog ili pravougaonog oblika	2514	Bjelorusija, Kina, Indija
Mermer, travertin, ekosin i ostali krečnjački kamen za spomenike ili građevinarstvo, prividne specifične mase 2,5 ili veće, i alabaster uključujući i grubo tesane ili sječene testerom ili na drugi način, u blokove ili ploče kvadratnog ili pravougaonog oblika	2515	Bjelorusija, Kina, Indija
Granit, porfir, bazalt, pješčar i ostali kamen za spomenike ili građevinarstvo, uključujući i grubo tesane ili sječene testerom ili na drugi način u blokove ili ploče kvadratnog ili pravougaonog oblika	2516	Bjelorusija, Kina, Indija
Ogrijevno drvo u oblicama, cjepanicama, granama, snopovima ili sličnim oblicima; drvo u obliku iverja ili sličnih čestica, drvena piljevina, otpad od drveta, aglomerisani ili neaglomerisani u oblice, brikete, pelete i slične oblike	4401	Bjelorusija, Kina, Indija
Sanduci, kutije, gajbe, doboši i slična ambalaža za pakovanje, od drveta; doboši (kalemovi) za kablove, od drveta; palete, sandučaste palete (box-palete) i druge utovarne table, od drveta; potpore za palete, od drveta	4415	Bjelorusija, Kina, Indija
Kocke za kaldrmu, ivičnjaci i ploče za popločavanje od prirodnog kamena (osim od škriljaca)	6801	Bjelorusija, Kina, Indija
Obradeni kamen za spomenike ili građevine (osim škriljaca) i proizvodi od njih, osim proizvoda iz tarifnog broja 6801; kockice za mozaik i slično, od prirodnog kamena (uključujući i od škriljaca) na podlozi ili bez podloge; vještački obojene granule, ljušpice i prah, od prirodnog kamena (uključujući od škriljaca)	6802	Bjelorusija, Kina, Indija
Škriljac obrađen, proizvodi od škriljca ili aglomerisanog škriljca	6803	Bjelorusija, Kina, Indija
Keramičke pločice za popločavanje ili oblaganje; keramičke kockice za mozaik i slično na podlozi ili bez podloge; keramika za završnu obradu	6907	Bjelorusija, Kina, Indija
Ploče, limovi i trake od aluminija, debljine veće od 0,2 mm	7606	Bjelorusija, Kina, Indija